

200

Yp 7632 R



R

L

furs

de



Go

Alle 29/64
Ein schön Saß

nacht Spil. Der farendt
Schuler mit dem Teuffel bannen.
Mit vier Personen / Kürz-
weilig zu hören.



Hans Sachs.

Abt. H. 7. 196



Die Bewrin geht ein/ redt mit jr selbs.

Es ist mein man heut in den Wald
Gefaren/vnd kompt nit so bald
Wann er hat heut schon suppen g'ssa
Ein Brey vnd kalte Milch gefressa
Auch ein ranfft brods mit jm genomen
Er wird vornachts nicht wider komen
O das es vnser Pfarrer west
Der aller liebste für alle Gest
Ich weis das er mir eilends kem
Nun darff ichs je nicht sagen dem
Vns sicht an das der nachbarn hauff
Im gangen Dorff so spitzig drauff
Vnd treiben mit vns jr gespen
Sam treib wir Bulerey allzwey/
Wiewols war ist/vnd thut mir zorn
Ich habes oft auß den augen geschworn
Mein mann/noch wil im der argwon
Vnd die eyffer sucht nicht vergon

Sicht mich offte sawer an/ vnd spricht
Der hund geht mir vmb vor dem liecht
Komm ich ein mal auff ware that
Ich wil dein balck dir strigeln glat
Bostropfer schleicht gleich selbs daher
Seit mir wilkom mein lieber pfarrer
Wie seit jr hinden herein kommen?

Der bucklet pfarrer hincet
hinein.

Ich hab mir ein vmbschwand genomē
Bin vbern zaun gestign bein Stadet
Wan du weist wol mein liebe Madel
Die lausing Bawern sehen vns drauff
Wann heut als ich vor tag stundt auff
Sah ich gehn holz faren dein Man/
Die Bawerin

O mein Herr wie recht habt jr than
Wan mein man hat wol vor acht tagen
Ein feiste Saw ins hauß geschlagen
Da müst jr essen meiner Würst
Auff das jr darnach nicht erdürst

Wii

Wilt ich holen ein viertel Wein
Vnd wollen gutes mutes sein
Mein Herr setzt euch ein weile nider /

Der Pfarrer.

Ja du komm aber eylends wider
Das nicht dein man komm in das hauß
Vnd dresch mir den Hundshaber auß
Wann er sieht mich so sawer an
Wann er etwan thut für mich gan
Tregt all mal ein verborgne Weh
Derhalben traw ich jm nicht mehr
Er stecket vol dückischer list
Solt mich wol blewen auff sein mist
Er hat mir das Jar hart gedroet
Nächst do er mir das hauß verbot /

Die Bewerin.

Herr laß euch dieweil nicht lang sein
Ich bring bald Semel / würst vñ Wein

Der Pfaff redet wider
sich selbs.

Vnd wenn halt setzt der Bawer kem
A iij Bad

Vnd mich bey meinem halse nem
Vnd setzet mir ein alte schmurren
Dennoch dörfte ich darumb nit murren
Dörfte in beim Pflieger nicht verklagn
Ich müst gleich die schmurren tragn
Vñ müsts stillschweigent in mich fressn
Ich bin zwar mit eim Narrn besessen
Das ich weit lauff nach huren auß
Hab doch selb eine in dem hauß.

Die Bewrin bringe Wårst
Semel vnd Wein.

Nun esset vnd trincket/ seit guter ding
Vnd lorget nit das vns misseling
Vor nachts kommet nicht mein Man
Der pfarrer.

Hör wer thut durch den Garten gan
Ich hör klingen die kühglocken/

Die Bewrin schawet.

Mein herr seit nit so gar erschrocken
Es geht ein Bettel man herein
Es wird ein farender Schuler sein.

Der

Der pfarrer.

So gib jm resch vnd laß jn gehn
Vnd laß jn nit lang hinnein stehn

Der farend Schuler.

O Mutter gib dein milte stewr
Mir armen farenden Schuler hewr
Wann ich sammel mit disen dingen
Das ich mein erste Mesß thu singen.

Der pfarrer.

Du samlest leicht zu einem Schalck
Heb dich hinauß du laster Balck.

Der Schuler.

Mein herr von wegen aller Buler
Stewrt mir armen farenden Schuler
Der ich im Landt hin vnd her far /

Der pfarrer.

Du wirst so lang faren fürwar
Bis du zu lezt ferst an den Galgen

Der Schuler.

Mein herr ich kan mit euch nit balgen
Sonder mir ein par Creutzer leicht
Vnd wenn ich ein mal werd geweiht
möcht

Möchte ich ewer Caplan wern/
Der Pfarrer.

Man muß dir vor ein Platen schern
Daußen auff dem Rabenstein
Du streuchst umb auf dem Land gemein
Vñ kinst nichts den die baurñ bischeiffen
Mit lüg vnd listigs maul auffpreissu
Vnd stilst ein wenig auch darzu
Was nit wil gehn das tregest du
Als flache/oyer/schmalz/vnde Käs/
Der Schuler.

Ach mein herr seit mir nicht so reß
Ich bin je auch ein guter schlucker.

Der Pfarrer.

Du bist ein rechter Beutel rucker
Heb dich naus hab dir drüs vnd peuln
Der Schuler.

Mein herr thut euch nit ob mir meuln
Gebt mir armen Schuler ewer stewer
Die Bewerin stößt in.

Heb dich hinauß hab dirs blaw fower

Du

Du vnuerstandner grober Püffel
Du fauler sterker vnd du schluffel
Vnd laß mich vngeheit in mein hauß
Der Schuler.

Nun wil ich geren gehn hinaus
Doch sag ich euch bey meinen trewen
Der hochmut wird euch beide rewen/
Ich wil mich in dem hauß verstellen
Vnd sehen was sie machen wölln
Heimlich in ein winckel verborgn
Kompt der Bawr heint oder morgn
Ich wil zu richten ein feines spil
Mich redlich an ja rechen wil/

Der pfarrer.

Geh sperr die haußthür eben zu
Das nicht ein jeder Bettler thu
Vns vberlauffen in der stuben/

Die Bawrin.

Habt jr nicht ghört von dem buben
Wie er die haußthür hat eingeschlagn

Der pfarrer.

A v Es

En das wer recht/erstwöll wirs wagn
Essen trincken vnd frölich sein
Mein Madl es gilt dir so vil Wein.

Der Bawer klopfft an/ So
spricht der Pfarrer.

Wohleichnam Madl wer klopfft auß
So vngestüm an deinem hauß?

Die Bewrin schawts.

Wohleichnam angst es ist mein Man
Wie sol wir vnsern dingen than.

Der Pfarrer.

Woh füren marter wo sol ich hin

Die Bewrin.

Mein lieber herr bald schliffet in
Den Ofen/so wil ich vntern parn
Den Wein/Semel vñ Würst bewarn
Vñ so bald heint entschlefft mein Man
Wil ich euch helfen wol daruon.

Der Pfaff lauffet auß/die Graw
thut auff/ So spricht der
Bawer.

Wie

Wie das du das hauß sperest zu

Die Bawrin.

Mein man wiß das ichs darumb thu
Baß vnser nachbarn sew mit hauffn
Mir teglich an den Tennen lauffn
Vnd thun mir schadn/wie das so bald
Mein man heut komest auß dem wald

Der Bawer.

Sol ich dir nit von vngelück sagen
Wir haben beide hacken zerschlagen
Nun kund wir sellen keinen baum
Da must ich wol wider erheim
Der hunger trib mich auch dazzu
Mein prat mir ein Wurst oder zwu
Gib mirn Sewack mit feisten griben
Der nechten znacht ist vberbliben
Vnd laß mich weidlich darin schrotn/

Die Bawrin.

Ich thu dir für die würst ein Luotn (gn
han erst vor acht tagn die saw geschla-
hast je die Wurst schier gar vertragen
Wir

Wir müssen auch aufffressen die Knochen
Der Bawer.

Ich hör klingen unser Rüh glocken
Schaw wer geht durch de gatern rein
Die Bewrin lauffe.

Es wird ein farender Schuler sein
Ich wil in bald fertigen ab
Mit gern solch leut im hauß ich hab
Die Bewrin wil im geben/aber
er geht zum Bawren.

Ein guten abentlicher Vatter
On gfer stundt offen dein Gatter
Da gieng ich farender Schuler rein
Bitt vergün mir im Stadel dein
Im Hew zuschlaffen dise nacht/

Die Bewrin.

Hat dich der Teufel wider rein bracht
Der Schuler.

Mein Mutter schweig so schweig ich
Der Bawer.

Mein Schuler was ist ewer brauch
Das

Das jr also umb fart im Landt
Der Schuler.

Es ist vns auffgesetzt all sandt
Das wir stetigs im land umbwandern
Von einer hohen Schul zur andern
Das wir lernen die schwarzen Kunst
Vnd dergleich ander Künste sonst
Wo man ein etwas hat gestoln
Das können wir ein wider holn
Wen augenweh vnd zanweh krencken
Den könn wir ein segn an hals henden
Fürs gschos/wundsegē wir auch habn
Wir könn warsagen vnd sehen grabn
Nuch zu nacht auff dem Bock auffarn

Der Bawer.

Hab ich doch wol gehört vor Jarn
Ir Schuler känd den Teuffel bannen
Der Schuler.

Ich wölt in wol beschwern vnd pañen
Das er vne alles das müst sagen
Was wir in nur möchten gefrag
Dazzu

Darzu Brotwirft/semmel vnd Weiz
Leibhoffig vns müß bringen rein
In diße Stuben inn ein Kreis/

Der Bawer.

Mein man/kein ding auß erd ich weiß
Das ich wolt lieber mag ich sehen
Wann den Teuffel leibhoffig sehen.

Der Schuler.

Es so schaw nur dein Frauen an

Der Bawer.

Loß scherhen ligen lieber man
Kant so bring vns den Teuffel her

Der Schuler.

Na wenn es nit so gefehrlich wer
Wann wo ich in brecht an das ort
Vnd ewer eines redt ein wort
So dörfte er vns wol all zerreißen/

Die Bawerin.

Es solt vns wol der Teuffel bescheißen
Loß den Teuffel danß ist mein iacht

Der Bawer.

Was

Was schads es ist ind nacht gar spat
Lieber bring in her in das hauß/
Der Schuler.

So geht beyde ärßling hinaus
Vnd steigt auch ärßling auff die Dillē
So wil ich beschwern durch die brillen
Den teufel bald ich schrey kumt wider
So steigt ärßling herab nider
Als denn ich euch zu bringen weiß
Den Teuffel herein in den kreiß/

Der Bawer vnd Bawrin gehen ärß-
ling hinaus/ der Schuler brin-
get den Pfaffen.

Pfaff Pfaff sol ich dein vorzigs schelten
Dir jekt auff deinen kopff vergeltn
So bald ich ruff dem Bawren rab
Der wird dir weidlich keren ab
Nun wil ich gehn dem Bawrn schreiē

Der pfaff zittert.

Ach mein freund was wolst mich zelhē
Ich bitt dich sehr hilf mir dauon

Ich

Ich gib zwölff Taler dir zu lon
Vnd bleib den offter Winter bey mir
Wil ich gut herberg geben dir/
Der Schuler.

Pfaff so gib die zwölff Taler her
So hilff ich dir auß dem gefe.
Der pfaff gibt jms.

Geh ich wil dir dahelm mer schenden/
Der Schuler.

Pfaff so thu dich nit lang bedenden
Geh zeuch dich mutter nacket ab
Beruß dich kolschwarz wie ein Rab
Vnd schick dich eilends in den handel
Nim vnterm parn würst/semel vñ kan-
Nim an dem Tenne die Rosshaut (del
Da wickel dich ein/vnd wenn ich laut
Schrey zum dritten mal/ Zerffel kum
So kom bald gelouffen vnd prumm
Gleich eben wie ein wilder Beer
Geh Semmel/ Würst vnd Kandel her
In kreis/vnd wenn ich dich heis gon
So

So nim dein gwentlich schmitz darvon
In der Ross-haut hinten hinauß
So kombst mit freuden auß dem hauß
Der pfarrer.

Ich wil mich rüsten aller gestalt
Hülff mir nur hinauß schnell vnd bald/
Der pfarrer geht ab/ So
schreit der Schuler.

Nun steigt beide ärsling raß
Den Geist ich schon beschworen hab.
Sie gehen beide ärsling ein/ So
spricht der Schuler

Nun setzt euch nider/ vnd euch nit rürt
Kein wort zu reden euch gebürt
Doch wo ewer eins reden wolt
Mit fingern jr das deuten solt.

Sie setzen sich/ So machet der
Schuler mit dem Schwerd
einen kreiß/ vnd stellet
sich darein.

Nun rüß ich dir zum ersten mal

B

Rom

Kom herauß dem hellischen Saal
Bring mir in Kreis ein kandel mit wein
Würst vnd new gebachen Semmelein
Zum andern mal so ruff ich dir
Das du komst in den Kreis zu mir
Zum dritten mal beschwer ich dich
Du wolst nit lenger saumen mich
Vnd kom in den Kreis zu mir her
Vnd bring mir was ich hab beger.

Der Teuffel lauffe hincfende vnd
bucklet ein/prumbe/ setz Kande-
del/Semel vnd Würst
in Kreis/so spricht
der Schuler.

Nun Teuffel laß von deim rumorn
Laß dich wol schawen hinten vñ vorn
Der Teuffel geht vmb den Kreis
herumb/so spricht der
Schuler.

Teuffel nun hab wir dein genug
Thu nur bald auß de Kreis ein sprung
Bad

Bñ schmiß den hinden auß dem hauß
Oder far zu dem First hinauß
Oder im Rühstal durchs Rühloch
Das jederman on schaden doch.

Der Teuffel springe auß dem kreis/
So spricht der Bawer.

Mir geht vor ängsten auß der schweiß
Ach lieber wisch bald ab den kreis
Das nur der Teuffel nit widerkumb/
Der Schuler.

Mein lieber Son sag mir warumb
Lhestu doch sein so hart begern?

Der Bawer.

Ich dacht nicht das die Teuffel wern
So schwarz zottet vnd vngeschafft
Er war gleich pucket vnserm Psaffn
hanck auch also auff einem bein
Ja wer ich gewesen hinn allein
Ich glaub ich wer von sinnen kummen
Mit seinem scharrn/gronē vñ prunē
Mich dencht gleich er het Ebergeen

Die

Die theten jm zum maul außgehn/

Die Bawrin.

Sol ich aber die warheit sehen
Den Teuffel möchte ich wol öffter sehen
In vnserm hauß on alle schew/

Der Schuler.

Ich glaub dirs wol auff mein trew
En frisch auff/ frisch auff lieber Man
Wiltu so wol wir schlaffen ganz

Der Bawer.

Ich fürcht mich warlich in geheim
Mir komb der Teuffel für im Traum
Ich hab mien wol eingebild so starck/

Der Schuler.

Mein Man die sach ist nicht so arg
So hencf den Segen an den hals
So versprich ich dir gwiß nachmals
Der Teuffel der komt nit in dein hauß
Es sey denn sach das du seyst drauß
Er war fro das ich in ließ hin
Er fürcht dich vbler denn du in.

Der

Der Bawer.

En lieber förcht der Teuffel mich?

Die Bewrin.

Kom̃ mein man vnd leg schlaffen dich

Laß farn den Teuffel lieber Gsell

Er siß lengst wider in der hell.

Der Bawer hende den Segen

an den Hals

Ich wil den Segen an Hals henden

Vnd dir zu Ion den Galden schenden

Das ich forthin sicher vnd frey

Vor dem hincenden Teuffel sey

Ein gute nacht ich geh dahin/

Der Bawer geht ab/ So spriche

die Bewrin.

In engsten ich gewesen bin

Het immer sorg ir würd was sagen

Mein Man den Pfaffen het erschlagen

Er ist jm wol so spinnen feindt/

Der Schuler.

Ja Frau der Pfaff verhieß mir heint

Ir

Ir würd mir zlon fünff gülden gebn
Das ich im fristen hülff das lebn
Der selben wart ich jetzt von euch
Die Bewrin.

Mein Man nur dise nacht vergeuch
Morgen frů soltu sie gewis habn
Ich habs gelt hinderm hauß eingrabn
Ein gute nacht ich leg mich nider /

Der Schuler nimpe Semel /

Würst vnd Kandel.

Würst / semel / Wein / die nim ich wider
Wil mit hinauß gehn auff das zew
Essen vnd trincken / O ich frew
Mich der Kirchwey / ich bring dauon
Ach zehen gülden / mehr gwins ich hon
Denn Pfaff / Bawr / Bewrin all drey
Wann ich gedenc mir auch dabey
Der pfaff hab auch vns gelt nit troschē
So hab die Bewrin die altē Groschē
Dem Bawren auch heimlich abtragn
Was solich vons Bawre gülden sagt
Bhelt

Wheß mein seggen den Teuffel dauß
Das er jm nit mehr kompt zu hauß
So vnter dem er vil vngemachs
Tregt Marck wird gut spricht Honns
(Sachs.

Die Person.

Der Bawer.

Die Bawrin.

Der Pfarrer.

Der fahrend Schuler.

Gedruckt zu Nürnberg/
durch Friderich
Gutknecht.

7

2

Dari

ndt 3


cht /


nd je

halee

n

6






Biblioteka Jagiellońska



stdr0033015

K. B.



R

H. Sachs
Hystory
vonn Griselda
c. adn.

Yp
7632